

Musicants

Canzun da Sur Gion Cadieli (1876 – 1952) , plevon a Trun (1919 – 1942)
dedicau alla Societad da musica Trun igl onn 1925.

Tier ina biala fiasta
nus essan radunai
buiu havein ch`ei basta
mo seit vein pir che mai.
: Perquei ustier va tier la buot
e porsch`a nus aunc in daguot

Il bumbardun la hottas
tegn ferm sco il mistral
sch`el vesa sper las notas
in tgiembel plein buccal.
Perquei ustier . . .

Il losch trompeter letga
la bucca incuntin
e sia liaunga schetga
sto el bugnar cun vin.
Perquei ustier . . .

Nies bien pauchist quel marcla
siu schumber mordio
ed el fa ina viarcla
e beiba er traso.
Perquei ustier . . .

Il vin fa buna bucca,
formescha bein ils tuns
ch`els seglien sco giud rucca
en fermes e leghers spruns.
Perquei ustier . . .

Ils posaunists quels sunan,
ch`ils mirs da Jeriho
danovamein sbalunen,
sch`els beiben mordio
Perquei ustier . . .

Duein horns far melodia
sche drovan els in sitg,
ch`els vesan strusch la via
che meina tras il vitg.
Perquei ustier . . .

E nies tambur ses virbels
fa era incuntin,
mo en scadina pausa
el lai gustar il vin.
Perquei ustier . . .

Insumma nus adina
havein zun gronda seit
seig`ei sulegl ni glina,
poi esser cauld ni freid.
Perquei ustier . . .